

薛氏校註合宜禁忌凡例

調經門

經水或紫或黑論

居經

月經不通

崩

治赤白帶下

熱入血室

寡婦師尼寒熱如瘧

夢與鬼交

心胸嘈雜

疰瘕疝瘕

脬轉小便不利

小便數

遺尿失禁

赤水玄珠婦人門第二十卷

新安生生子孫一奎著輯

薛氏校註合宜禁忌凡例

一云丹溪謂白芍藥性寒味酸產後宜忌恐伐生生之氣
若用之於大補湯八珍等湯內以酒拌炒用無妨凡屬
脾胃虛寒虛弱面色痿黃者俱宜酒拌炒用

一通經丸若脾胃無虧暴怒氣逆或生冷所傷陰血凝滯
月經不通者宜暫用之若脾胃虛弱不能生血者宜用
六君當歸若因脾胃鬱火內耗其血者宜用歸脾湯若
因脾肝鬱怒氣血傷而月經不通者宜加味逍遙散
一艾附丸若脾胃虛寒陰血不足氣逆發熱月經不調或

胎氣不成者宜暫用之若肝腎虧損陰虛發熱月經不調或崩漏帶下或便血吐衄小便淋瀝或晡熱內熱寒熱往來或盜汗自汗不時倏熱宜用六味地黃丸若兼脾氣不足飲食少思者佐以六君子湯

四物湯若脾經血燥發熱或月經不調宜暫用之若因脾經虛熱肝經怒火所致宜四君子佐加味道遙散若因脾經氣虛血若晡熱內熱宜用八珍湯加柴胡丹皮若因元氣下陷而致諸症宜補中益氣湯

一人參橘皮湯若胎前氣痞痰滯作嘔不食者宜暫用之若脾胃氣虛胸膈痞脹痰停作嘔飲食少思者宜半夏茯苓湯若因怒動肝火尅制脾土而致前症者宜六君

子加柴胡山梔枳殼脾胃虛寒者六君子加木香砂仁
內半夏治脾胃虛諸症尤當用

一紫蘇順氣飲若胎動不安元氣無虧者宜暫用之若因
脾氣虛弱者宜六君子加紫蘇枳殼鬱結傷脾者宜四
君子加柴胡山梔蘇梗鬱怒傷肝脾者六君子加柴胡
黃芩枳殼

一四物膠艾湯若內熱胎痛下血不止者宜暫用之若因
肝經風熱而下血者用防風子芩九若因肝火血熱宜
加味逍遙散若脾經鬱火宜加味歸脾湯若因肝氣虛
陷宜補中益氣湯倍加升麻柴胡若因事下血者宜八
珍湯加膠艾

一黃芩白朮二味爲安胎之藥若脾胃蘊熱中氣無虧者
宜暫用之凡屬脾胃虛痞飲食少思或泄瀉嘔吐面色
痿黃肢體倦怠者宜六君子湯

一達生散若厚味安逸者宜用若薊蕘勞役者不宜用

一妊娠腹痛須驗其面赤舌青者此胎已死用平胃散加
朴硝三錢下之下後隨用八珍大補等湯調補之若唇
口俱青吐出痰沫者子母俱死也若面舌俱青者母死
子活產下亦死

一小續命湯若外中風邪腰背反傷筋脈痠癢者宜暫用
之若產後失血過多陽火熾盛虛熱傷風者宜八珍湯
加鈎藤丹皮如不應當用四君子湯加當歸丹皮鈎藤

血敗者宜用十全大補湯如不應急加附子亦有生者
一澤蘭湯若產後惡露腹痛胸滿少氣宜用之若體倦面
黃食少少寐而惡露不止宜加味歸脾湯若氣血虛損
而惡露上攻先用失笑散後用八珍湯禁用黑神散奪
命丹之類

一產後口鼻起黑氣鼻衄者是胃氣虛敗而血滯也急用
二味參蘇飲多有生者

宮人孀婦治驗

一婦人年三十有七早孀居兩腿骨作痛晡熱體倦月經
不調或發寒熱數年矣一日頸項兩側結核兩脇脹痛

此係肝經鬱火而成也先用小柴胡湯合四物數劑肝
症頓愈又用加味逍遙散加澤蘭乳香沒藥三十劑血
症漸痊再用加味歸脾湯年餘而安

一孀婦兩腿作痛或用除濕化痰等藥遍身作痛而無定
處此血症也不信乃服流氣飲之類而歿

一放出宮人年四十餘臀腿內股作痛晡熱口乾月經不
調此係肝經血少不能養經絡而然也宜加味逍遙散
加澤蘭葉五十帖諸症稍緩又以歸脾湯二百餘劑而
安

一放出宮人臀腿腫痛內熱晡熱惡寒躄倦咳嗽胸痞月
經過期而少彼以爲氣毒流注服清熱理氣之劑益甚

此月經病血何留所至三月經
下循脘內贍繞陰器抵少腹主治之法但當補其所不
勝而制其所勝補者脾也制者肝也經曰虛卽補之實
則瀉之此定法也彼不信仍服前藥遂致不起

婦人症與男子無以異也所異者月水胎產崩帶等症耳
今惟蒐其異與赤緊者集爲一門餘雜症治同男子當
於雜症門中求之茲不重錄

調經門

岐伯曰女子七歲腎氣盛齒更髮長二七而天癸至任脈
通太衝脈盛月事以時下天謂天真之氣癸謂壬癸之
水故云天癸也然衝爲血海任主胞胎二脈流通經血

漸盈應時而下常以三旬一見以像月盈則虧也若遇
經行最宜謹慎否則與產後症相類若經行惱怒勞役
則氣血錯亂經脈不行多致癆瘵等疾若逆於頭面肢
體之間則重痛不寐若怒氣傷肝則頭暈脇痛嘔血而
瘰癧癰瘍若經血內滲則竅穴淋瀝無已然此六淫外
侵而變症百出犯時微若秋毫成患重如山岳可不畏
哉

褚澄遺書曰飲食五味養骨髓肌肉毛髮男子爲陽陽中
必有陰陰中之數八故一八而陽精升二八而陽精溢
女子爲陰陰中必有陽陽中之數七故一七而陰血升
二七而陰血溢皆飲食五味之實透也方其升也智慮

開明齒牙更始髮黃者黑筋弱者強暨其溢也凡充身
體手足耳目之餘雖針芥之慝無有不下凡子形肖父
母者以其精血嘗於父母之身無所不慝也是以父一
肢廢則子一肢不肖其父母一目虧則子一目不肖其
父母然雌鳥牝獸無天癸而成胎何也鳥獸精血往來
尾間也精未通而御女以通其精則五體有不滿之處
異日有難狀之疾陰已痿而思色以降其精則精不出
而內敗小便澁而爲淋精已耗而復竭之則大小便牽
痛愈痛卽愈便愈便卽愈病女人天癸旣至十年無男
子合則不調未踰十年思男子合亦不調不調則舊血
不出新血悞行或漬而入骨或變而爲腫後雖合而難

子合多則漑枯虛人產衆則血枯殺人觀其精血思過半矣

夫血者水穀之精氣也和調五臟洒陳六府男子化而爲精女人上爲乳汁下爲經水故雖心主血肝藏血亦皆統攝於脾補脾和胃血自生矣凡經行之際禁用苦寒辛散之藥飲食亦然

王子亨方論曰經者常候也謂候其一身之陰陽愆伏知其安危故每月一至太過不及皆爲不調陽太過則先期而至陰不及則後時而來其有乍多乍少斷絕不行崩漏不止皆由陰陽衰盛所致故曰血氣和平則樂有子和則陰陽爭月水以時下也

薛氏曰經云脾統血肝藏血婦人多因恚怒傷肝鬱結傷脾所致當從二經爲主而參以前論治之

產寶方序論曰大率治病先論其所主男子調其氣女人調其血氣血者人之神也然婦人以血爲基本苟能謹于調護則血氣宣行其神自清月水爲期血凝成孕若脾胃虛弱不能飲食榮衛不足月經不行肌膚黃燥面無光澤寒熱腹痛難於子息或帶下崩漏血不流行則成癥症

經水或紫或黑論

丹溪曰經水者陰血也陰必從陽故其色赤稟火色也血爲氣之配氣熱卽熱氣寒卽寒氣升則升氣降卽降氣

凝則凝氣滯則滯氣清則清氣濁卽濁往往見有成塊者氣之凝也將行而痛者氣之滯也來後作痛者氣血俱虛也色淡者亦虛也而有水混之也錯經妄行者氣之亂也紫者氣之熱也黑者熱之甚也今人但見其紫者黑者作痛者成塊者率指爲風冷而行溫熱之劑則禍不旋踵矣良由病原論月水諸病皆曰風冷乘之宜其相習而成俗也或曰黑北方水色也紫淡於黑非冷而何子曰經云亢則害承乃制熱甚者必兼水化所以熱則紫甚則黑也况婦人性執而見鄙嗜慾加倍臟腑厥陽之火無日不起非熱而何若曰風冷必須外得設或有之蓋千百一二者也

治經水紫黑爲熱例

海藏四物芩連湯 治經水如黑豆汁

四物湯

四兩

黃芩

黃連

各一兩

爲末酒糊爲丸服

丹溪治月水黑口渴倦怠脈不勻似數

黃柏

炒

黃芩

各三錢

甘草

二錢

赤芍藥

香附

各五錢

右醋糊丸白湯下五六十丸

一婦二十歲月水二月不行忽行小腹痛有塊血紫色

白芍

白朮

陳皮

各半兩

黃芩

川芎

木通

各二錢

甘草

三分

右水煎服

一婦氣滯血澁脈不瀉經不調或前或後紫色兩大腿外

膝麻木或時痒而生瘡大便秘滯

火麻仁

桃仁

芍藥

各二兩

枳殼

歲靈仙

白朮

歸頭

訶子肉

生地

陳皮

各五錢

大黃

煨七錢

為末粥丸梧子大白湯下五六十丸

調經之劑

局方四物湯

治衝任虛損月水不調臍腹疝痛

當歸

川芎

白芍藥

熟地黃

各等分

水煎服

逍遙散

治血虛煩熱月水不調臍腹脹痛潮熱咳嗽

炙甘草

五分

當歸

茯苓

白芍

柴胡

各一錢

右加薄荷葉生羌水煎服

膠艾湯

治勞傷血氣衝任虛損月水過多淋瀝不斷

阿膠

川芎

炙甘草

各五分

當歸

艾葉

炒各一錢

熟地

白芍

各二錢

水煎服

溫經湯

婦人血海虛寒月水不利遶臍疼痛

桂枝桃仁湯萬病丸皆可用

當歸

川芎

芍藥

桂心

丹皮

莢朮

各五分

人參

甘草

牛膝

各一錢

水煎服

丹溪加味四物湯調經例

經候過而作痛血氣俱虛也宜本方對四君子將來而

痛者血實也本方加桃仁黃連香附

經水不及期者血熱也本方加黃連

過期者血少也本方加參朮有痰加半夏陳皮

過期紫黑有塊者血熱也必作痛加香附黃連

過期而淡色者痰多也芎歸二味入二陳湯

赤白玄珠 二十卷 八
紫色成塊者熱也本方加黃連柴胡

肥人不及日數而多痰者乃血虛有熱本方加香附南
星半夏黃連白朮

瘦人血枯經閉者本方加桃仁紅花或越鞠丸

四物加減調經例

經水微少漸漸不通手足煩痛肌漸瘦生潮熱脈微數

本方去川芎地黃加澤蘭葉三倍甘草

半分

經水過多本方去熟地加生地

經行身熱脈數頭昏本方加黃芩柴胡各半兩

經行微少或脹或疼四肢疼痛加玄胡沒藥

經候不調心腹疼痛只用芎歸二味名君臣散